

明善堂詩集

明善堂詩集卷十一目錄

甲子

元日朝回試筆

和學庭六姨丈擬卽事應制韻

題袁江畫後有觴遊興漫成

雨後客舍有懷柬寄

雨中尋嘉樂山莊晤學庭六姨丈却寄

清明用王元之韻

和鶴亭清明有感韻

春日種花示友人索和

暮春園中卽景

春遊湖上

園中曉起寄都中諸友人

春日登舟遊湖喜題

閒中偶興

暮春遣興

雨後小坐花圃漫成敬索芝軒四兄和

月下偶成

舟行晚過冰玉山莊

夏日雨後心跡雙清放目喜題

園中小憩拈十三覃韵偶題

送張子仲時南歸

夏日奉

母妃園中觀劇喜成

至洪光寺奉

命諸王暨懋觀劇恭賦

雨窓

新晴

露坐納涼

燕郊道上遇芝軒四兄暫話口占奉贈

秋興篇

重過南苑薄暮登眺漫成

西郊曉行寄芝軒四兄并柬鶴亭

題李穀齋畫

明善堂詩集卷十一

甲子

元日朝回試筆

履端開令節玉帛萬方同日暖風光麗春回瑞色
融昇平歌治洽膏澤卜年豐朝罷渾無事裁詩小
閣中

和學庭六姨丈擬卽事應制韵

鑾旗臨古寺瑞靄日氤氲暖湧千疇綠光占五色文
登臺熙蔀屋流澤煥春雲莫道

宸遊偶仁風草木欣

題袁江畫後有觴遊興漫成

著意尋春春色迷無邊花柳罨芳堤
愜心雲水增依戀到處烟霞入品題
待月寧嫌遊屐晚踏青常過畫橋西
誰人擲笛高樓坐清韻悠揚度隔溪

雨後客舍有懷東寄

和風吹雨過桃李暗飄香作家春
三月懷人天一方地偏村落迥夜永
漏聲長撫景衷情結揮毫寄短章

雨中尋嘉樂山莊晤學庭六姨丈却寄

鞭馬尋幽境，霏微雨點衣。
相逢欣有託，小坐不思歸。
山色青爲障，花光繡作圍。
短章聊寄語，學道貴忘機。

清明用王元之韻

二月鶯花春未老，今朝奉使遇清明。
千條弱柳隨風舞，一片濃雲帶雨生。
試火新烟飄颺急，啣泥乳燕往來輕。
儘多佳景恣吟興，濁酒何須數斗傾。

和鶴亭清明有感韻

陽和大地物皆春，繡陌初晴淨軟塵。
照眼花光猶

未老迎風柳色恰含新吟懷喜得清幽地遊行忻
逢自在身榆火傳來好時節應看處處踏青人

春日種花示友人索和

春樹陰初合名花香作緣分畦知向背過雨染暄
妍嬾嫚青韶裏芳菲綠蔭邊閒吟賡短韵辱和佇
鴻篇

暮春園中卽景

跡寄郊園裏風光愜素衷春深花嫵媚景麗氣昭
融粉蝶繁枝舞文魚曲沼通忘機咸自得流覽興

何窮

春遊湖上

泉聲細細韵清幽
漫步溪橋覓舊遊
一片花飛隨水面
幾層雲起映山頭

園中曉起寄都中諸友人

晨起步園中
紅紫宜晴昊
偶得一時閒
達哉萬慮
渺陌頭
楊柳青和風吹芳草
列隊見游魚
求友鳴黃鳥
清趣似畫圖
會心處處好
此景寄同心
箇中應共曉

春日登舟遊湖喜題

烟水自沉沉波光映綠陰
簾垂留寶篆花繞發清吟
欸乃聯漁唱澄鮮散客襟
隨安應自足虛白有冰心

閒中偶興

吟情酣適呼佳醞花事闌珊惜晚春
漫對一池涵水碧午烟輕鎖釣魚津

暮春遣興

最惜春歸去飛英欲滿園
和風來小榻新綠蔭層

軒自信生平拙
忻聆益友論
幽情忘坐久
新月照重門

雨後小坐花圃漫成敬索芝軒四兄和

宿雨含滋喜乍晴
芳林深處早聞鶯
牡丹繞砌光初暈
芍藥當階蕊欲萌
節近清和幽興愜
天饒點綴綠陰成
遙岑疊翠濃於染
望得新詩眼倍明

月下偶成

皓魄高懸似鏡明
長空如晝見山橫
葛衫草履身閒適
斗室書燈我性情
洗滌塵緣心自淨
推遷物

態慮猶輕偶移小榻當軒坐院宇深沉夜氣清

舟行晚過冰玉山莊

夾岸垂楊萬綠濃舟中遙聽隔林鐘茅簷一帶山
花色都爲烟痕薄暮封

夏日雨後心跡雙清放目喜題

雨過天如洗微風漾曲塘柳搖堤畔綠花發石邊
香波靜萍痕合山空松籟長魚兒爭撥刺燕子任
飛翔深逕輕塵隔疎簾午影涼醉心浮蟻滿喚雨
乳鳩忙小憩襟期爽流觀眉宇揚湖山情興愜俗

慮已相忘

園中小憩拈十三覃韵偶題

蹙息山園興亦酣輕風吹雨過溪潭柳遮畫檻渾
忘夏雲鎖高樓恰映嵐鳥弄新聲來座右花含香
氣放窻南忘機解却心頭事不覺金鐘過午三

送張子仲時南歸

驪歌聲欲動樽酒蹙遲留三載共晨夕一編曾唱
酬帆迎黃歇浦尊憶季鷹秋有約尋詩社還來續
舊遊

日三言集
卷之一
三
夏日奉

母妃園中觀劇喜成

板輿行樂日初移絃管輕調絕妙詞幸侍

慈顏欣賞處荷香樹碧午涼時

至洪光寺奉

命諸王暨懋觀劇恭賦

山靜鐘聲遠天空雲影飛晴明欣縱目巖壑盡含
輝祇覺曇花繞難叅貝葉微爲聆仙樂奏幽賞欲
忘歸

雨窓

漠漠濃雲籠碧枝
炎氛滌盡雨如絲
閒心恰共浮漚遠
幽興還於種竹宜
茗椀涼生襟自暢
爐烟香裊意偏怡
池塘恰受荷風好
蘭橈遙看別浦移

新晴

輕雲淅淅雨初收
翠滴遙山爽氣浮
無數鷺翻荷葉底
幾行鶴印板橋頭
穿簾霽影明書案
照眼霞光拂畫樓
一榻夢回清晝裏
冰生涼簟幾如秋

露坐納涼

明蟾初上柳梢頭漠漠庭陰夜色浮暗拂冰紈清
露冷輕飄烏匿晚風幽素心淡處真如水老氣橫
來未是秋小坐餘涼新浴後金鐘點點報更籌

燕郊道上遇芝軒四兄暫話口占奉贈

雁羽各西東分馳廣陌中相逢旋話別行色信匆
匆寂寞清秋月淒其客館風歸期知不遠歡飲桂
花叢

秋興篇

秋窓浙浙風葉敲秋雲淡淡天爲高爽氣初來日

杲杲花陰漫轉晝寂寥曲欄草際聞蟲語閒中消
息獨相許陰晴倏忽異態生涼颼時送秋山雨暗
惜時光歲月度鶯黃柳色鎖堤路秋來春去俛仰
間披襟高唱秋聲賦登樓縱目心悠然西嶺黛色
遙相連放歌一闕亦自喜桂林香露滿秋天

重過南苑薄暮登眺漫成

極目秋郊外晴光媚遠天山容含夕翠樹色隱寒
烟繫馬看陳迹題詩記昔年騁懷忘日暮礎杆隔
溪連

西郊曉行寄芝軒四兄并東鶴亭

曉出都門更已闌
半林猶帶月光寒
鐘聲暗度村
村遠秋色將殘
葉葉乾滿目
山容雲意靜
一鞭吟
思地天寬
此時不識高齋裏
睡足晴窓日幾竿

題李穀齋畫

傑閣重樓聳碧空
山光澹蕩有無中
粼粼鴨綠春
江暖一幅輕帆趁好風

明善堂詩集卷十二目錄 乙丑一

郊外早行

上元

春雪和鶴亭韻

花朝

春日古香齋偶成

仲春芝軒四兄見過園中喜成一律

同芝軒四兄西園道中口占

湖上二首

迎夏

湖上待月二首

芝蘭室看花喜成

芝蘭室賞芍藥偶成長歌兼寄葯園鶴亭

喜鶴亭至共賞芍藥

夏日午睡題誠善堂壁

午日過萬泉庄王氏花園題壁二首

雨後

夏日閑居雜咏五首

浴罷對月

夜雨

雨意

得雨喜成

湖上圓靈水鏡亭雨中小飲有憶學庭六姨

丈葯園四兄鶴亭二表兄青崖法天雪亭

三上人張仲時范茈野張玉平陳耕烟王

季白諸子成七古三十韵柬寄索和

秋日過園中賦懷六首

有序

明善堂詩集

卷之十二

二

咏瓶中秋蘭寄友

得詳字

宿浩然閣見月

夜坐對盆梅口占

除夕

明善堂詩集卷十二 乙丑

郊外早行

絕早出都門殘月掛堤樹碧水涵雲天青山吐烟
霧晨鐘古寺鳴寒鳥芳林度幽人睡正濃我踏西
園路

上元

金吾五夜例弛更燈火高懸月倍明寶馬喧闐遊
紫陌星橋璀璨拱金城何人笛奏黃昏曲到處風
吹笑語聲此日

天顏知有喜三千大地頌昇平

春雪和鶴亭韻

東皇剪水簇新花飛絮無端綴柳芽
春色不嫌添雅淡且携石鼎試烹茶

花朝

春光駘蕩欵重扉雲罨溪山風力微
釀得輕寒晴雪後好看桃李鬪芳菲

春日古香齋偶成

姁妍伊可悅紅杏開春園一徑生
纖草虛堂半掩

門東風吹面軟鳥語向人喧坐久渾忘倦茶鐺鐫
眼翻

仲春芝軒四兄見過園中喜成二律

良春獻美景連袂賞清和大塊文章在天倫樂事
多柳溪鶯暗轉花塢蝶低過徙倚皆真趣行行忽
放歌

半畝湖山淨沉沉曲徑幽荆花爭欲發棣萼喜時
稠鳥性知求友人心樂勝遊西山催落日秉燭意
綢繆

同芝軒四兄西園道中口占

尋勝閒携手清陰菴苑門花蹊通暗水牧笛落前
村遠黛含濃翠新苔疊細痕春風如可挹相對瀉
清尊

湖上

落紅點點悵東風携友閒行綠柳中每到春深人
意懶隔溪鳴鳩惜芳叢

飛絮旋看拂綠苔留春不住枉低徊泉聲瀉澗餘
琴韻好傍清流更泛杯

迎夏

酒餞春光入夏時
香籠簾幙裊晴絲
花飛殘艷沾朝露
蝶舞輕衣拂短籬
心寄虛舟忻地僻
眼空平野覺天垂
清和風景多餘暇
帖展來禽蘸墨池

湖上待月

欲刺蘭舟卜夜遊
夕陽掩藹水東流
素娥捧出臨粧鏡
照徹三千大地秋

徘徊牛斗掛林梢
漸覺星稀朗碧霄
小艇掉回依杜若
載歸練影夜迢迢

芝蘭室看花喜成

軒窗紅紫散清陰
花引閒情步履頻
艷色曉含烟
景麗清香晴拂露
華新金衣歷歷鳴高樹
紫羽飛
飛掠水濱
寄語封姨當護惜
莫教零亂惱幽人

芝蘭室賞芍藥偶成長歌兼寄葯園鶴亭

院宇沉沉蓮漏悠
花開婪尾環堦頭
濃香馥郁襲
輕袂籠烟帶露姿
清幽紛披紅白爛如錦
含嬌吐
艷嫣然羞折枝
綽約嬈清供
軍持列案芬芳浮
綠
紗如烟護花影
雙清心跡同天遊
金帶作圍却成

瑞玉卮浮白聊爲酬當筵興酣詩思集擘牋走筆
聲颼颼吟罷遶廊還縱目烟波入望湖光收黃蜂
紫蝶齊上下鶯梭燕剪交芳洲沿溪人行向圖畫
晴嵐潑翠環遭遇興來扶筇過柳渚碧絲輕鎖漁
人舟漁人携魚致欸語坡仙細鱗得似不呼童拾
枝漑鬻釜烹鮮小試技亦優予胥樂今日將夕迷
濛晚色欣淹留君不見隙駒迅速如流電花開花
落年年見又不見夜遊桃李秉燭時坐花醉月寧
爲癡放歌聊復當長嘯用博撫掌傳心知

喜鶴亭至共賞芍藥

春色誰爲殿繁華對客宜
當堦翻午夢觸景起新
詩玉質疑含妬紅妝不自持
風前開爛熳相賞共
傾卮

夏日午睡題誠善堂壁

脩然亭午臥華堂石徑松陰落竹牀
柳拂窓渾似舞砌花入夢尙含香
鳴鳩喚雨來村塲紫燕將雛語
畫梁此際更無塵俗擾心情隨處得清涼

午日過萬泉庄王氏花園題壁

最愛湖山畔垂楊拂小樓竹深迷曲逕沙淨度閒鷗
籬落全疑畫烟霞半隱洲平生幽興處愜意便遲留

不賦靈均蹟尋幽入此園好花供笑傲遠水自潺湲
引袖蒲風軟迎眸麥浪翻何須吟艾虎卽境可傾尊

雨後

三徑添新綠牕虛烟靄深清涼餘竹簟逸響發瑤琴
梁燕窺書幌風蟬度晚陰閒雲舒卷意靜對共

惜惜

夏日閑居雜咏

朝回小苑當深山楊柳陰中靜掩關細雨送涼醒
午夢綠雲堆裏樂餘閑

陰陰夏木遶溪流僻地娛人不外求何處炎暑可
相恩軒窓清韵已如秋

臨流亭檻挹芙蓉雨後風前靜自舒盥手焚香無
箇事黃庭一卷右軍書

新蟬嘒嘒夕陽低月吐銀鈎掛樹西獨坐小亭心

意遠流螢點點落前溪

星斗闌干一望遙
荻蘆隱約繫漁舸
可曾借得徐熙筆
寫入鷺溪八尺綃

浴罷對月

雲淨遙空夜氣浮
一輪斜掛遠山幽
愛看蟾影澄澄瀉
瀉時有螢光寂寂流
手擘芭蕉含露濕
花招蝴蝶宿枝頭
振衣頓覺身心潔
戀賞還忻上小樓

夜雨

涼風收溽暑
細雨滴堦墀
密密花添重
纖纖漏正

遲披襟湘簟冷卷幔野雲迷曉起多清景新波漲
碧池

雨意

颯颯清風拂釣灣濃烟低瑣四圍山村鳩逐婦飛
無定喚出層雲任往還

得雨喜成

遠岫沉雲黑涼從雨氣增勢如銀漢瀉甘若玉膏
凝北里不應起南山穀可登

天心多惠澤并可洗炎蒸

湖上圓靈水鏡亭雨中小飲有憶學庭六姨
丈葯園四兄鵲亭二表兄青崖法天雪亭三
上人張仲時范芑野張玉平陳耕烟王季白
諸子成七古三十韵東寄索和

石燕拂雲吹江豚神龍鼓鬣麾雲幃峯巒烟菴雨
瀉盆松濤怒吼傾高原跳珠噴璣怪石根潺湲落
澗歸泉源平川漲溜水欲奔湖亭風蕩暗遠村娟
娟綠竹秀我園呼童掃榻開層軒颭風翠蓋蓮葉
翻荷花向人如欲言舒懷輒思倒玉樽清吟獨酌

無雜喧赫曦影匿滌暑煩山花爭妍著雨繁燕飛
作勢過短垣梳翎鶴跡印苔痕念此膏澤沛

聖恩焦勞稍解慰元元我亦額手喜勿誼獨少我友
過我門蒹葭伊人思所存何時促膝得細論風生
塵尾清神魂君不見喜雨名亭有蘇子清懷逸興
高飛騫我徒且復寄其樊聯吟應弗間晨昏擘牋
走筆氣欲吞

秋日過園中賦懷

有序

余退朝之暇偶憩山園時值初秋風清氣

爽堦翻梧葉砌徧蛩吟臨亭榭以徜徉觸
景物而懷舊回憶庚申辛酉之間忽忽已
四五年矣感物序之遷流漫擬歐陽作賦
等候鳴於虫鳥非同宋玉悲秋聊擘短牋
用成七咏昔乙丑後五日也

公退肩輿過小橋雲峯漸歛碧天高柳陰深處蟬
聲咽遊遍溪山曲逕遙

風光如昨是耶非金井梧桐葉又飛簾箔半遮清
晝永辭巢燕子故依依

秋雲如畫點湖山碧水澄澄白鷺閑滿座清風送
新爽晴軒徙倚不知還

水亭兀自倚匡牀荇帶牽風七月涼記得聯吟切
玉藕碧筩頻吸綺筵傍

蛩吟曾聽小園新今又晴階唧唧頻只有南華消
客感一泓秋水却怡神

低徊幾度小齋頭岩壑烟霞興欲浮樂此不愁歸
路晚夕陽影裏寫清秋

咏瓶中秋蘭寄友

得詳字

本是靈均佩移來有國香
退朝餐秀色新水注幽
芳空谷誰爲伴騷經著自詳
小窻清絕處臭味淡
而長

宿浩然閣見月

高樓捲幔夜迢迢
霜白星稀砧杵遙
對此條然塵俗遠
天心有月破岑寥

夜坐對盆梅口占

風冷霜清月照盆
紙窻影瘦正黃昏
一枝別韻含餘雪
香襲詩人夢裏魂

除夕

我年二十四
曦馭感如駛
明日是新春
廿五爲之始
時清物阜成
風俗歲華紀
填衢接綺羅
餽歲紛豚醴
樺燭映瓊瑜
春帖爛門祀
華勝與辛盤
錯陳並爭美
撫景憶曩時
亦逐童穉喜
春酒酌金罍
天懷浩無滓
低徊重自省
守歲良宵裏
塵心何可清
又聽爆竹起

明善堂詩集卷十三目錄

丙寅

十六夜宜峯鶴亭飲余齋

早起戲集詩牌成四絕句

上巳同鶴亭古香齋卽景集得五截一首

復拈十五刪韵成一律

春日拈涼江微賓四韵

早出都門

至碧澗山莊題壁

碧澗山莊月下偶成

碧澗山莊早起卽事

遊碧澗山莊寄鶴亭宜峯二首

春日嘉樂山莊訪學庭姨丈索詩因成八

韻作答

山舍春日偶成四首

清明祀

先父王園寢敬成

宿蘆溝橋僧舍月下聞濤聲喜賦

重遊白雲觀

訪宜峯不值用鶴亭東秀上人韵

賞桃花卽席分韵得七陽十三覃韵二首

禁直口占二首

何處能忘酒擬白香山體七首

自題春江泛月圖二首

晚步

喜雨

晚霽登消慮峯望西山

次學庭姨丈山居喜雨寄懷之韵二首

初夏西苑道中

午睡初起偶成

夏日送芝軒四兄

宜峯書齋茶話喜成八韻因寄

盤山別業歌爲廌青山人作

宿廣慧寺贈雪上人

僧舍夜坐偶興二首

留別雪上人

山中對雨二首

山村風雨歌索友人和

宿盤山千像寺題壁

曉起千像寺前放目

再憇廣慧寺聽雪上人彈琴

過青上人塔誌憶

納涼

雨窓

秋日早起

冰玉山莊卽事

早起

疊前韵

園中秋日和畊烟韵二首

三秀堂早起書壁

中秋對月

秋日偕范芑野陳畊烟登平臺眺望

恭和

御製瀛臺錫宴用展周親盛典元韵三律

扈從

聖駕西巡曉發香山恭紀

宿王快夜夢偕鶴亭宜峯秋岑團坐茶話醒
後書此寄之

過龍泉關

清涼第一山

至射虎川

隨

駕至臺麓寺

隨

駕至白雲寺

隨

駕至殊像寺

隨

駕至真容苑

隨

駕至塢苑寺

奉

命拈香至金燈寺

至南臺普濟寺

至古南臺

至千佛洞

鎮海寺

圓照寺

隨

駕至羅喉寺

隨

駕至永明寺

隨

駕再至真容苑聽番僧講經說法

隨

駕至壽寧寺

雪中

駕發五臺恭紀

正定道上

將至正定途中父老擁道奉迎

聖駕入北門駐蹕恭紀

隨

駕至正定隆興寺

至正定寓齋見晚菊數本因題有寄兼示宜

峯鶴亭二首

宿正定府

定州月夜和鶴亭見寄元韵卽柬二首

林公柳陰

過方順橋柳堤

郭隗故里

聖駕駐蹕保定府大閱甲士恭紀

行在賜宴恭紀

過劉伶墓

宿涿州代柬有寄

辜月十七日對雪烹茶賞梅卽事

雪中有懷李眉山

冬日偕曉亭閣學茶話二首

題塞曉亭閣學翰林院侍晏圖

冬日同芑野畊烟登臺晚眺

見和王集中咏詩牌一律卽步其韵

夜坐用參寥韵

登西園平臺懷李眉山卽用其登樓詩韵

明善堂詩集卷十三

丙寅

十六夜宜峯鶴亭飲余齋

一片花燈裏春風爛熳天相逢得舊侶同賞共芳筵
法曲繁音合鰲山列炬連銀壺傳漏永玉宇淡
含烟

早起戲集詩牌成四絕句

夜雨浥小院晨興草閣西輕風吹雪浪步履入烟
谿

亭畔烟光靄園池水色溶新篁暢吟目正值日高

春

朝爽拂梧嶼樓連海日丹映簾青草碧搜句獨凭
闌

砌花明畫檻囊錦負奚童白石坐來穩千山一望
中

上巳同鶴亭古香齋卽景集得五截二首

春陰凝滿院鴻雁點遙天叢竹暗庭砌蘭舟動曙
川

淺水迎簾綠花洲映坐間優游情未慊踏月共歌

還

復拈十五刪韵成一律

樂事傳佳會遙岑挹翠鬟暮霞全勝綺脩月半如
環香宿花叢裏烟迷魚藻灣倚闌頻放目心迥逐
鷗鷗

春日拈涼江微賓四韵

煙含花色遶春觴春水鎔銀漲曲塘靜敞疎襟清
晝永浴蠶天氣半暄涼

玳梁嬌語燕雙雙掠水穿林到碧牕時有梅花風

裏笛清音彷彿度春江

夕陽影裏塞鴻歸徙倚呼童掩竹扉
颺却閒愁容小憇遙岑已露月痕微

暖風晴日艷陽春桃李盈盈柳色新
眼底韶光莫孤負吟壇有約速嘉賓

早出都門

侵曉出都門放眼川原外東風拂行轡
春煦暉清籟嫩柳含綠烟青山藏宿靄
桃花發晴溪碧水環如帶韶光良可人
俯仰乾坤大

至碧澗山莊題壁

春晚郊園好登臨夕照明野花開欲笑山鳥語相
迎澗水穿林去巒烟隔浦橫暫來容小憇吟賞有
餘情

碧澗山莊月下偶成

春宵山館漏迢迢徙倚闌干慰寂寥澗水潺湲流
暗逕紛紛澹月映花梢

碧澗山莊早起卽事

早起閒亭上登臨一望幽深林啼宿鳥曲澗亂溪

流臺榭塵囂遠松篁雅韵留春暄來眺覽高處豁
雙眸

遊碧澗山莊寄鶴亭宜峯

烟景山村好尋幽度澗灣遊魚聲撥刺野鳥語間
關池草含風碧巖花遶砌殷停驂貪賞處贏得片
時閑

饒有濠梁趣兼之風日良萬山藏窅窕一水響琳
琅嵐翠沾衣潤溪雲繞澗長幽懷語知已樂意似
蒙莊

春日嘉樂山莊訪學庭姨丈索詩因成八
韻作答

佳景及春暮
籃輿度山陂
山中有高人
企想逸興馳
數載睽芝宇
崇朝喜見之
握手道欵洽
風雅欣在斯
新歡接眼底
夙契憶曩時
流光何冉冉
風景尙遲遲
烹茗情話永
高懷雲鶴知
短篇慚報李
依溯在臨池

山舍春日偶成

羈旅人間春
晝裏空濛嵐
靄映牕扉
驚心又是清

明候紫燕重看丙舍飛

趺坐山齋晝寂寥東風吹綠柳垂條竹床茶竈閑
中趣自折松枝細細燒

千嶺烟含日已西平蕪景色望中迷山禽慣與村
翁狎盡向茅簷著意啼

九十韶光似水流山村寒食劇清幽空庭閑步重
追憶十數年前總角遊

清明祀

先父王園寢敬成

將事齋居增慕感音容往日渺難攀豐碑瞻仰餘
風木偉績昭垂重斗山式穀詒謀慙接武趨庭明
訓憶承顏松楸蔥鬱濡春露拜罷低回涕自漣

宿蘆溝橋僧舍月下聞濤聲喜賦

桑乾新漲潏潏激石砰訇作怒號匹練千層搖
梵刹長虹一帶枕城濠皎如雪澗鎔銀液靜和虬
松起素濤漫啟岩扉閑眺望禪心淨似月輪高

重遊白雲觀

重來訪丹室駐馬石臺傍竹院棋聲靜苔痕墨瀋

香仙踪留髣髴雲窟任翱翔策杖舒清嘯探幽引
興長

訪宜峯不值用鶴亭東秀上人韵

爲訪伊人室情馳泉石間春愁築新壘幽夢負空
山畫永軒窓寂庭虛風景閒徘徊花下路留客鳥
關關

賞桃花卽席分韵得七陽十三覃韵

簾捲風微春晝長瓶花繞座佐霞觴濃香牽惹遊
蜂戀艷色勾留輕燕忙嵐靄一痕低遠岫舞衣幾

隊映迴廊紅牙顧曲笙簫裏剩有高吟逸興翔
良辰高會劇清酣放眼風光任意探一帶青山如
潑翠半泓碧水似揉藍招邀賓客幽懷愜脫畧形
骸雅韻諳舞袖迴旋堪鬪艷繁花爛熳是春三

禁直口占

上林爛熳萬株花蛺蝶尋春蜂趁衙秘閣清幽欣
內直好風徐度碧牕紗

宮漏聲遲苑宇明瞻雲地近接西清從容步武雕
闌外鵲噪庭槐燕掠屏

何處能忘酒擬白香山體

何處能忘酒凝香小院東
甕浮春盎盎尊泛色融
融花暝翻新燕雲歸逐暮鴻
此時無一盞愁壘若爲攻

何處能忘酒輕風度碧窻
名花拂檻並語燕傍簾
雙乘興詩魔遣開襟俗慮降
此時無一盞獨漉美盈缸

何處能忘酒蕭閑水竹居
龍孫迸土出荇帶向風
舒沙暖鷗羣狎天空雁影疏
此時無一盞幽賞欲

愁予

何處能忘酒維舟楊柳溪風迴波淼淼烟碧草萋
萋蕩漿遊魚避投竿晚唱低此時無一盞誰與聽
黃鸝

何處能忘酒吟儔集小齋葳蕤炫詞賦芳蔭茁庭
堦雅愛糟床注狂思麴蘖埋此時無一盞空訝素
心乖

何處能忘酒滿庭花正開笙歌飄曲榭羅綺繞層
臺座挹香風起歡隨明月來此時無一盞好景亦

徒哉

何處能忘酒新詩手自刪
離邊傲彭澤池上憶香山
白墮聊沽興黃藤解破閒
此時無一盞底事勸開顏

自題春江泛月圖

澄江千頃水揉藍
雲散烟空片月函
漫說乘槎天漢使
此中風景足清酣

淼淼江光不染塵
縠紋細織月輪新
野航共泛情何極
遠逐閒鷗萬里心

晚步

晚步向空庭暮靄歛殘照翩翩燕翻雲撥刺魚避
釣濃綠暗浮烟深林隱仙嶠縱目延遠情披襟發
長嘯

喜雨

宵來恰喜沛甘霖 恩澤滂沱慰

帝心含潤懷新連隰畛綠蓑黃犢遍謳吟烟迷藻砌
鼓鼓碧韵叶流泉細細音靜向閒齋幽意迸長繁
垂燼聽更深

晚霽登消慮峯望西山

霽後閒登眺風光縱目收千山青欲滴一雨淨如
秋烟井輕塵歛樓臺夕照留飄然心地迥攬袖倩
浮邱

次韵酬學庭姨丈山居喜雨寄懷之作

新竹成林桑葉稠雨餘秀色總迎眸遙知綠野優
游趣閑共村農話麥疇

甘澍朝來喜霑足瑤篇遠寄憫離愁黃花臺共觀
音洞一片烟巒縱目收

初夏西郊道中

清和烟景晝迢迢
潑翠嵐光縱目遙
波蘸綠楊隨燕舞
花稀枳落剩鶯嬌
催畊荷鍤農人集
過雨連塍土脉饒
無限吟情看似畫
籃輿乘興度谿橋

午睡初起偶成

夏日閒庭景自沉
靜看紫燕掠濃陰
青浮螺髻供游目
碧皺魚鱗欲沁心
時有薰風來枕畔
微餘香篆襲衣襟
屏除俗慮渾無惹
一卷楞迦諦漫尋

夏日送芝軒四兄

拂面薰風試葛初吟鞭落日路紆餘已看榆柳垂
陰遍正值葵榴似錦舒攬景應教詩思集暫違却
訝晤言疎歸程計日逢端午待泛蒲觴每跂予

宜峯書齋茶話喜成八韵因寄

侵曉尋知己乘閒欵竹扉入門循鴈序遠翠挹山
暉昨至桃花放今來柳蔭肥槿籬青隱隱簾檻靜
依依樂志吟情勝端居道意微香清茶正熟談劇
塵輕揮嘯傲披朝爽勾留却忘歸歡言期後會雅
趣莫相違

盤山別業歌爲廌青山人作

昔唐李愿居盤谷會向昌黎卷中讀鳳城東境接
盤山窅窕雲塢堪結屋結屋高人號廌青世業縹
緗本望族清幽不數辟疆園小築依然花木繁地
僻林深無剝啄棲遲娛樂歌衡門春禽秋月助舒
嘯左圖右史供討論廿年嘉遯樂盛世杖履優游
適遭際何時相訂入烟霞芝館蘭堂容訪詣清談
昕夕洗塵心欣然飽領山中趣

宿廣慧寺贈雪上人

斜陽閑駐馬小坐客懷舒曲引松杉徑欣依雲水
居石床清露下遠岫晚鐘初偶接詩僧話宗風會
有餘

僧舍夜坐偶興

茆檐燈火照深更垂柳梳風涼自生禪榻坐來人
寂寂疎簾微逗月光明

靜夜鐘聲隔水聞禪房清迥絕炎氛科頭露坐長
松下心跡閑於出岫雲

留別雪上人

精舍凌晨起簾波漾日光花香含宿露蟬靜納朝
涼隔浦遠山碧出林清磬長征鞍催早發惜別幾
廻腸

山中對雨

前山雲罨股輕雷几席涼生暑氣回自起捲簾閑
縱目風聲急挾雨聲來

蕭蕭坐愛晚涼新一片烟濃失翠岑洗却紅塵消
却悶爐香茗椀足開襟

山村風雨歌索友人和

草堂寂寂風雨來堂中主人午夢回徘徊獨立茆
檐下山南山北殷其雷望中一帶雲影黑遮斷烟
巒如潑墨村墟遠近總模糊疑向米巖畫中得初
如絲注漸傾盆颯沓聲推勢若奔須臾溝澮流灑
灑涼生肘腋清神魂雲收雨捲日光漏殘紅掩映
湘簾透晚來霽景倚闌看新沐雲山水更秀

宿盤山千像寺題壁

紺宇凌空涼意生流泉暗向石間鳴疎鐘幾擊飄
雲外疊嶂千尋照檻橫落日登臨頻眺遠乘閑步

屨覺身輕茶烟禪榻饒清雅小作盤桓自有情

曉起千像寺前放目

山鷄唱殘月露氣濕浮嵐翠滴千松秀澄灤一水
函岩花新欲笑石磴曲頻探卽境餘清迥詩懷靜
裏諧

再憇廣慧寺聽雪上人彈琴

重過招提暫息鞍閒雲流水共盤桓坐來別有清
涼境一曲松風繞指寒

過青上人塔誌憶

六塵不染涅槃身觀色觀空了宿因石逕雲深林
木靜香龕夜冷月華新傳來半偈燈無盡想見宗
風諦自真瞻禮殷殷成悵惘餘情應勝往來人

納涼

樹杪金風却暑氛夜深蛩語隔花聞仰看碧落星
河轉忽憶滄洲思不羣

雨窓

牕外廉纖雨因風度暗愁情憐燕將去候訝火初
流宵渺陂塘曲蕭疎荻蓼洲坐來几案淨心跡寄

雙鷗

秋日早起

宿雨昏林莽朝來曉氣清
山浮嵐欲滴池淨漲初平
逕曲疎花媚天高白鶴鳴
披襟動秋思無限嫩涼生

冰玉山莊卽事

舟輕倚棹傍斜陽乘興相携到小莊
人靜晝長亭院敞晚風又送一番涼

早起

朝暾紅影射窻頭石露清堦泣未收斗室安閒能
遠俗襟懷蕭爽正逢秋花繁蘚砌迎簾幌鷗起蓮
塘避釣舟卽景寫心渾未了嵐光橫翠目中留

疊前韵

靜聽泉聲落澗頭晨興清景目中收綠添草色經
時雨白點萍花幾日秋矯矯丰姿看野鶴悠悠心
跡對扁舟忘機自得閒中趣遮莫鳴蟬樹樹留

園中秋日和畊烟韵

閒捲湘簾放篆香湖山縱目愛秋光午窻瀟灑吟

懷敞柳下風來拂面涼

雨過林巒望裏深
蓼花風起葛衣侵
靜中祇覺塵心滌
坐聽涼蟬竟日吟

三秀堂早起書壁

牕外湧朝暎晨興坐小軒
曙霞光爛熳宿蝶影飛翻
潭水淨無翳秋山澹一痕
漫尋曲逕去蟲響草間繁

中秋對月

仰看明月似金盤
雲歛高空桂苑寒
香拂綺羅浮

玉竿風迴絲管度雕欄簾波影浸花枝密砌草光
凝珠露溥夜景悠悠秋思寂低徊延賞坐更闌

秋日偕范芑野陳畊烟登平臺眺望

霽後閑登眺西山翠作圍天空雲片片秋淨鳥飛
飛興到携知己心閑送落暉吟懷霄漢迥靜裏契
淵微

恭和

御製瀛臺錫宴用展周親盛典元韵三律

鳴玉晨趨集苑垣

恩叨湛露忝維藩霞明綺榭花迎珮香溢瓊筵酒滿
尊覆蓋

深仁依廣廈綿長景福溯靈源

袞綸懇至榮三錫拜舞羣瞻

文祖孫

太液芳波漱灑明瑞烟紫霧靄方瀛三秋

錫宴歡情洽萬寶同登風日清

帝命載言還載笑詩歌宜弟復宜兄瞻依

雲表葵誠切一寸丹衷夙夜盟

鑾坡晴旭正瞳矐咫尺

天顏樂意融花拂旌旗開霽景雲深蓬島護芳叢頒

來文綺水蠶錦分酌霞漿碧玉甯身傍

彤墀承

聖澤薰絃常奏太平風

扈從

聖駕西巡曉發香山恭紀

晨旭初昇映

翠鑾森森環衛擁千官風輕

輦路揚塵少霜染秋林落葉乾芝蓋華旗紛綵仗山
光柳色拂征鞍欣隨豹尾常陪奉策馬郊畿縱目
寬

宿王快夜夢偕鶴亭宜峯秋岑團坐茶話醒
後書此寄之

氣誼同金石相知情最深書牕平昔景寒月此時
心關塞空勞夢杯茶對盞簪醒來凝望處霜角伴
微吟

過龍泉關

紆盤纔一綫策騎到山巔絕澗長飛瀑雄關遠接
大雁門紫塞上鷺嶺白雲邊誰染丹青色回看滿
磴烟

清涼第一山

蒼松秀挺環山麓紺宇巍峩踞石岡更有香風迎
鳳輦遙傳梵唄盡清涼

至射虎川

四望川原繞層崖雪色圍蒼松拔幽壑湍水激苔
磯雞犬前村近雲烟遠岫微

神堯明德在父老話依依

隨

駕至臺麓寺

蒼松一逕遠鐘沉古剎周遭翠嶺深
幾隊旛幢迎法駕香烟繚繞聽潮音

隨

駕至白雲寺

欣隨

仙蹕一登臨朔雪初晴山徑深
出岫閒雲看不極祇

林風送遠鐘沉

隨

駕至殊像寺

佛刹峯頭接絳霄
鐘魚聲裏瑞烟飄
莊嚴色相欣瞻禮
竺法蘭棲勝地饒

隨

駕至真容苑

香花妙法古真容
一望岡巒積雪重
欣傍

鑾輿來佛頂
梵音飄處瑞烟濃

隨

駕至塏苑寺

紺塔孤擎倚碧天上方鐘鼓白雲邊幽棲迥與塵
寰隔望裏花宮高下連

奉

命拈香至金燈寺

世界空來有大千傳燈無盡一燈然拈花微笑宗
風在妙諦從看優鉢蓮

南臺普濟寺

路入招提聞遠鐘盤空磴道白雲封
凭高俯瞰羣山小貝闕琳宮烟靄濃

至古南臺

雁齒層層躡屐來今朝喜至古南臺
梵宮高與烟霄近可使塵心片刻開

至千佛洞

絕頂回看衆峯小雪擁山門僧未掃
我來奉

命叩禪關焚香拜罷香雲繞

鎮海寺

小橋流水依山麓古寺疎鐘隱上方四面雲屏圍
翠幙瓣香瞻禮日斜陽

圓照寺

霜鐘鏜鞳月黃昏一徑迢遙叩寺門頂禮寸心皈
法界西來妙旨悟風旛

隨

駕至羅喉寺

幸陪

宸賞到禪林法轉金輪花雨深

仙蹕鸞音巡歷處回看晴雪滿遙岑

隨

駕至永明寺

紺宇深沉矗鸞峯花旛風颺瑞烟濃閒雲淅淅穿
櫺牖碑碣尋來碧蘚封

隨

駕再至真容苑聽番僧講經說法

蘭若重遊風日清珠旛齊向寺門迎聽經應有天
花落靄靄雲從

黼座生

隨

駕至壽寧寺

招提窅窕入雲林

玉輦陪遊喜共臨松徑森森螺黛碧潺湲澗水奏清

音

雪中

駕發五臺恭紀

鹵簿凌晨發千山玉作容小橋依碧澗古寺蔭蒼

松道左征蹄滑天邊朔雁衝回看佛頂路一片白
雲封

正定道上

野色接平蕪歸鞭風日娛清霜催落葉曲水映通
衢城郭連烟靄村林入畫圖應知

宸賞愜望幸滿川涂

將至正定途中父老擁道奉迎

聖駕入北門駐蹕恭紀

太平

天子回鑾日

問俗巡方輦路清幸覩屬車臨赤縣衢歌巷舞遍相迎

隨

駕至正定隆興寺

紺宇嵯峨繞瑞烟香雲法界擁諸天
金身數仞花旛映傑閣千尋碧漢連
晝靜祇林停羽葆風迴仙樂引珠輶欣陪

翠輦巡遊處碑碣相看創始年

至正定寓齋見晚菊數本因題有寄兼示宜

峯鶴亭

走馬關山風雪途畿南廻旆景堪娛黃花晚節秋
容在寄語同心知也無

霜華著色棲圓蓋移到瓊廬靜賞時猶記去年籬
畔影數團寒玉劇相思

宿正定府

三輔傳名郡輪蹄日夕衝恒雲靄靄潯水碧溶
溶紺塢入雲表花宮度晚鐘停鞭得信宿攬勝意

偏濃

定州月夜和鶴亭見寄元韵卽東

道左淨無塵落葉下如雨抽思成報章已得閒中
趣

寂寂羈情遠燈花昨夜開相思兩地切佳句雁傳
來

林公柳陰

衰柳嶺岼夾道傍飄殘朔吹點清霜行看征馬長
條繫望裏寒鴉幾陣翔墮綠未逢陰冉冉涵青好

待碧蒼蒼沈寥一幅蕭疎景寫出空林落葉黃

過方順橋柳堤

小橋依淺水衰柳夾長堤車騎行如蟻旌旄望若
霓寒林野色迥朔吹曉雲低有待春回後烟橫綠
蔭齊

郭隗故里

黃金臺畔舊招賢駿骨於今盛事傳衰草斜陽荒
故里憐才空自說當年

聖駕駐蹕保定府大閱甲士恭紀

講武臨

黃幄森森旌旆揚
軍容誇細柳
獵事擬長楊
畫纛鳴笳壯
彎弓角技良

袞龍指顧處
士馬盡騰驤

行在賜宴恭紀

鎬飲承

黃幄嵩呼集

紫宸鈞天傳
廣樂大酺值
良辰
法酒金螺注
霞漿玉盃陳
葵誠瞻戀切

恩澤藹如春

過劉伶墓

荷鋤遺事至今聞
大戶劉伶自不羣
孤塚荒原人寂寂
竹床風味說微醺

宿涿州代柬有寄

百首新詩託羽翰
吟鞭長倚朔風寒
凍毫寫寄途中景
爲報眠餐匝月安

辜月十七日對雪烹茶賞梅卽事

同雲罨太虛
繽紛落花舞
嶺松蟠玉龍
砌石堆鹽

虎掃石移盆梅擁爐讀茶譜亭亭歲寒姿心跡澹如許

雪中有懷李眉山

馥馥沁寒香橫斜傍幾几小庭積瑤霰冷光射窻紙茶話永今朝意愜忘所止緬懷契清閒山中有高士

冬日偕曉亭閣學茶話

喜就詩翁談竟日忘年恰許結心知寒消斗室如春暖不覺堦前日影移

忻逢學士淪新泉詩境窺尋別有天靜契高論無限意又教夕照促歸鞭

題塞曉亭閣學翰林院侍晏圖

宿老才名珠斗連

綸扉翔武已多年漢廷經術推中壘唐代詩豪紀謫仙此日

殊恩伊傳後千秋盛事簡編傳文明

聖治崇稽古獨被榮光到木天

冬日同芄野畔烟登臺晚眺

暮色蒼茫夕照浮

鳳園佳景望中收
雲凝遠岫翔飛鳥
烟罨空林隱戍樓
搔首長吟天浩浩
携尊散步興悠悠
凌虛眺覽情何限
緬想風流命侶儔

見和王集中咏詩牌一律卽步其韵

信手拈來盡是詩
憑將意匠事搜奇
鴛鴦繡譜編排穩
風月吟壇布置宜
興到小枰碁共落
章成碎錦艷爭披
清遊佳會朋儔集
刻燭聯吟任所之

夜坐用叅寥韵

吟咏率天性澄懷入杳冥半規呈皓月數點散疎
星緗帙堆芸案寒香列膽瓶下帷情自永孤坐一
燈青

登西園平臺懷李眉山卽用其登樓詩韵

暝色昏烟合西風望裏遙暮雲隨野鶴逸志託寒
鵬之子依盤谷相思不可招憑高延佇久舒嘯遣
無聊

明善堂詩集卷十四目錄 丁卯

元旦早朝

首春至園

園中早起

春夕池上作

晚步杏園寄鶴亭宜峯二首

小齋午睡醒後卽事

春夜寄宜峯秋岑

新月

隨

駕潞河道中恭紀

白澗晚眺

桃花寺雪中極目

桃花寺歸途偶興

余行幄依感化寺傍四圍山色環遶開窓遠

眺喜成一律示都下諸友

靜坐寫懷有贈

盤山道中再柬鶴亭宜峯

遊天香寺折杏花插餅

晚步

雨中郊行

雨中野望

夜雨

霽後郊行

隨

駕登了髻山謁碧霞元君廟

將抵海淀留宿三家店偶成

過宜峯書齋見結籬口占

香山道中

園中感興

西苑晚歸

初夏至園喜成

登秀峯絕頂

雨中含輝堂卽景

時值初夏園中看牡丹

雨窻卽事索友人和

知魚亭垂釣二首

憩二樂軒二首

晚遊湖上

清和中泚攜家人輩同登秀峯玩月

早起聞鶯

月夜登秀峯二首

月下聞笛次香巢韻

雨窻卽事疊前韻

新晴泛湖三疊前韻

午窓拈韻得林字索友人和

夏日山齋早起用鶴亭喜晴韻

山亭眺望用鶴亭早秋韻

夏晝偶成柬葯園鶴亭宜峯索和

泛湖

山居口號

夏晝山居二首

雨後望西山

月下乘涼二首

對雨

全宜峯晚泛

七月二十日隨

駕發圓明園恭紀

密雲早發

古北口

長山峪行營夢

母妃醒後成一律

至喀喇火屯晝中間坐

塞上有東二首

行營晚步

塞上夜雨

塞上晚步有憶園中

行營和鶴亭見懷詩韵兼寄宜峯

至熱河登山晚眺有東二首

波羅火屯行營見新月偶成

雨中張三營道上作

十八里臺馬上口占

十八里臺大風雷雨

霽後觀山色

初霽見新月有柬

都馬達烏喇岱園中偶成

塞上中秋

十六夜月下偶成

東宜峯秋岑

喀喇火屯喜鶴亭遠來覓晤因成二絕

重陽前二日塞上月夜聯句

塞上遙祝

母妃千秋

賞晚桂

宴劇賞菊

冬日四宜軒作

明善堂詩集卷十四 丁卯

元旦早朝

瞳矐日射彩雲浮

黼座當陽肅袞旒
萬國梯航瞻雉尾
兩行冠珮集螭頭

御爐香滿觚稜闕
仙樂風迴鐘鼓樓
令節欣承新湛露
嵩呼齊祝

萬春秋

首春至園

風光又轉一年春
瞥眼青韶氣象新
鳥語聞關如有待
柳枝婀娜欲迎人
雲出岫移情遠
野水拖烟縱目頻
髣髴身行圖畫裏
探幽選勝重逡巡

園中早起

碧落星光澹紗窓
欲曙天青山明旭
日芳韶鎖寒烟散
步看花柳心清汲
澗泉不辭春早起
韶景足流連

春夕池上作

料峭東風帶晚寒
暮烟靄靄隱層巒
閑來漫踏湖

亭畔細草新花任意看

晚步杏園寄鶴亭宜峯

修眉淡寫遙岑碧
細縠輕吹曲渚流
三徑寒侵花信晚
林梢烟暝鳥聲幽

隔岸斜陽映竹扉
攜竿閒向釣魚磯
幽情此際知多少
暗數歸鷗點點飛

小齋午睡醒後卽事

睡醒日亭午
園林寂不譁
簾迎新碧草
庭倚未開花
韶景春將半
清吟興轉加
池塘風乍起
漱灩泛

晴霞

春夜寄宜峯秋岑

偶來小飲花開晚聊復成吟感舊多欲遣春愁愁
不去問君較我更如何

新月

碧空雲淨晚風清新月如鉤望裏明一片西峯呈
暮靄捲簾相對有餘情

隨

駕潞河道中恭紀

隨

輦看春色龍旗繞水濱遙岑浮淺黛宿霧卷輕塵柳
色鵝黃嫩溪流鴨綠新和風融紫陌到處被

皇仁

白澗晚眺

野烟漠漠柳風輕千疊雲岑夕照明閑數歸鴉投
遠寺深林一桁晚霞橫

桃花寺雪中極目

四野陰雲合天心愜

聖心霏霏沾隴麥皚皚映芳林嵐歛千岩靜烟迷萬井深疑眸清景好宛似畫中臨

桃花寺歸途偶興

天際雲容澹東風拂袖輕雪消春漲滿翠潑遠峯橫野鳥藏林語山花傍澗明揮鞭險興發清景稱閑情

余行幄依感化寺傍四圍山色環遶開窓遠眺喜成一律示都下諸友

又向田盤勝處探眼中盡日飽烟嵐白雲變黦紫

岩曲紅杏芳菲照澗南松逕青連千像寺泉聲遠
落衛公庵不嫌此地頻留賞邱壑由來性所耽

靜坐寫懷有贈

偶坐翠微中寂寂蕭閑境烟霞任往還塵氛一時
屏眷我同心人低徊意靡騁吟當月滿幃自覺春
夜永

盤山道中再柬鶴亭宜峯

日夕看山色花朝客裏過青溝紅杏滿甘澗白雲
多之子涉難接遙情寄短歌何當重握手浮白醉

岩阿

遊天香寺折杏花插餅

折得山春艷攜來列案東
乍開呈浩態濃馥想芳叢
照席吟情澹窺簾香霧濛
連朝風日暖却憶小園中

晚步

夕陽烟靄遠山沉
料峭東風透客襟
古寺晚鐘飄碧落
聲聲敲處滌塵心

雨中郊行

春郊綠未齊春雨景淒迷林木暗藏寺山花不染
泥層峯見蒼翠碧水漾玻璃望遠心先到揮鞭度
嶺西

雨中野望

極望何當敞客襟旅懷無那雨沉沉難分野色和
山色是處芳林作霧林菴畫郊村雲正合荒蹊驛
騎路難尋颺輪好倩風姨御吹去濃烟露遠岑

夜雨

點滴隨更漏今宵夜雨仍清吟誰作伴旅况寂難

勝獨坐聊烹茗無眠屢剪燈書龕渺俗慮心跡似
閑僧

霽後郊行

放目欣新霽遙岑積雪浮雲林開似畫天宇淨如
秋野鳥鳴偏巧山泉響更幽塵襟行處豁披拂午
風柔

隨

駕登了髻山謁碧霞元君廟

葱蒨浮佳氣仙山地効靈高峯擁似髻奇石布如

星棟宇千尋迥嵐烟四野青幸隨

變幄至瑤室記曾經

將抵海淀留宿三家店偶成

客路經旬日將歸轉憶家微吟繼短燭獨立悵歸
雅北嶺猶凝雪東郊已作花欲尋荷鋪叟課雨間
桑麻

過宜峯書齋見結籬口占

幽居饒有林巒致院宇深沉結靜緣六枳新編沿
曲徑歡言淺酌晚風前

香山道中

晴溪一帶水浮藍
雁齒橫橋映翠鬟
碧草拖烟凝望遠
遙村林際鳥聲閑

園中感興

溪岸清幽蠟屐臨
春光暮也感懷深
綠陰濃處頻遊目
紅雨飄來却點襟
偶惹閒愁情漠漠
靜思往事晝沉沉
林間睨睨聲相和
伴我軒窗寂寞吟

西苑晚歸

香風幾縷拂輕紗
掩映山光綠樹遮
拂水穿雲巢

幕燕含烟弄日隔溪花
恰教歸興催吟興更愛農
家近酒家一路清幽供
領畧春林返照柳行斜

初夏至園喜成

又是山園首夏時
晝長軒檻日遲遲
繁花吐艷香凝座
弱柳縈烟綠映池
鶯喜客來聲覘睨
燕隨絮舞影參差
捲簾極目資吟興
無限風光盡入詩

登秀峯絕頂

浴罷肢體涼逍遙林莽外
躡屐躋峯顛心與烟霞
會瀑泉響笙竽松風披襟帶
歸來日已斜蒼然烟

暮靄

雨中含輝堂卽景

微雨晝紛紛園亭似野村
模糊沉岫色蒼翠長苔
痕燕掠花間地鶴歸松下門
平池新水漲蛙鼓聽
初繁

時值初夏園中看牡丹

忽訝清和候花光映碧紗
倚風嬌欲語經雨爛如
霞肯信荼蘼晚寧容芍藥
誇閑庭看不厭最是數
枝斜

雨窓卽事索友人和

靜寄空齋裏垂絲雨落檐浮萍還泛泛弱柳自纖纖
砌草碧烟重岩花紅暈添窓中閒徙倚遙見酒
家帘

知魚亭垂釣

知魚亭畔一垂綸蕩漾波光晝景沉此意惠莊應
共遠流鶯風過轉遙林

疊嶂斜縈綠水湄晴光裊裊漾遊絲釣磯坐處雲
天濶無限情懷寄小詩

憩二樂軒

墻陰縈柳絮寂寂畫堂閒
簾捲雲依檻悠然接黛
鬟

蛙鳴芳草渚人憇小山房
幽意愜所適風來高樹
涼

晚遊湖上

放目湖亭畔遊心魚鳥間
扁舟晚泊岸斜日遠啣
山野卉依籬落新蒲簇澗灣
閒緣娛翰墨隨興自
吟刪

清和中澣攜家人輩同登秀峯玩月

靜締閒緣鷗鷺盟悠然天外玉輪明人遊峯頂幽
懷迥露滴松梢夜氣清兩部鳴蛙繁鼓吹一聲野
鶴動詩情宵深猶喜團圞話不覺林間珠斗橫

早起聞鶯

園林初夏曉光澄晴露閒階花氣凝漫捲湘簾人
寂寂流鶯深谷語相磨

月夜登秀峯

風微漏靜夜迢迢月上羣峯清景饒如水露涼蒼

徑滑披襟舒嘯慰無聊

螺髻岷岷岩影交俗氛塵慮一時拋凌虛領畧閒
中味隔水遙聞古磬敲

月下聞笛次香巢韻

倚樓三弄意閒閒桂影誰從月裏攀
嫋嫋音餘虛室外悠悠風送碧溪灣
喚回清夢幽巖客吹落梅花亂水間
雲淨碧空蟾魄朗一聲鶴唳冷湖山

雨窓卽事疊前韻

遍印苔堦鶴跡閑望中垂柳悵難攀
霏霏時雨落

檐角淅淅清風起藻灣綠樹陰森圖畫裏烟扉窈
窕水雲間桃笙漫倚渾無事卧看窓前積翠山

新晴泛湖三疊前韵

雨餘放艇恰身閒望裏晴巒擬一攀燕剪低翻楊
柳岸魚梭頻唼芰荷灣烟光靄靄籠橋外花影垂
垂隱砌間天半朱霞明似綺澄波蕩漾遠涵山

午窓拈韵得林字索友人和

軒窓人靜影深沉蒼翠悠然接遠岑湘簾紋浮初
展榻芸幃香細試調琴雲涵澗壑鳩呼雨風捲松

日詩集卷之一
濤雀返林如許幽情閒領畧唱酬幾度憶知音

夏日山齋早起用鶴亭喜晴韻

山窓雞喚曙殘月挂風檐嵐翠初浮嶺朝暾未上
簾露濃花氣重樹密綠痕添喜得今閒暇依稀岩
壑潛

山亭眺望用鶴亭秋早韻

早起山亭上遙林曙色清雲容浮磧出涼氣襲衣
生禾黍方抽碧桔槔遠有聲田塍荷鋤者相聚卜
陰晴

夏晝偶成東葯園鶴亭宜峯索和

雨霽風清乍退炎
苔痕濕砌碧纖纖
飛揚野馬空晴陌
縹緲溪雲映畫簷
窓外鳥聲閑裏細
案頭花氣靜中添
金籠關鎖白鸚鵡
回首梳翎教下簾

泛湖

一片空明漾綠波
亂翻翠蓋長新荷
閒鷗渚隱拳沙立
放鴨船輕打漿過
幾縷綵霞縈樹杪
一聲鶴唳起山阿
溯洄隨處欣瀟灑
信口微吟荅榜歌

山居口號

石磴烟蘿映碧波數椽小築倚巘阿人誰欲問山
居樂倦卽眠雲醉放歌

夏晝山居

萬斛新蟬噪碧林雨餘庭院晝深沉軒窓自喜多
幽趣閒捲湘簾露遠岑

柳蔭垂垂綠映山興來把釣水雲間披襟陡覺涼
風好隔岸漁舟驚白鷗

雨後望西山

雨後添新爽凭高眺晚晴遙岑青欲滴斜日晚逾

明雲繞層峯起蟬來深磎鳴幽竽無限意風漾水
紋橫

月下乘涼

竹梧池館夜沉沉小立風前月映林數點露螢飄
落處閒攜團扇撲花陰

小榻迎涼月下移隔簾點滴漏聲遲坐來不用揮
輕箏風送荷香到碧池

對雨

模糊雲樹影參差幾縷清風送雨絲烟菴遙岑迷

野寺泉明細澗漲平池遊魚唼水投竿少輕燕歸
巢刷羽遲幽意凭闌饒領畧輞川景色畫中移

全宜峯晚泛

風水弄漣漪憑虛縱所之蘭舟同載穩烟岫晚看
宜淺沼閒窺鷺幽情勝聽鷓滄洲應不遠笑傲興
如斯

七月二十日隨

駕發圓明園恭紀

曉日迎仙仗弓刀簇羽林三秋盈繡壤萬姓動歡

心講武神臯遠

巡方翠葆臨欣隨豹尾後涼吹襲衣襟

密雲早發

屈指秋風半月前行來村落起晨烟良苗入望田
疇稔太史應書大有年

古北口

高墉歷歷雄關矗旌旆飛揚

翠輦行邊檄卽今沾

聖澤風清紫塞慶昇平

鑾輿到處恩波沃柔遠羣瞻

王化隆萬笏雲山看不極潺湲一水瀉遙空

長山峪行營夢

母妃醒後成一律

自向行程裏秋風塞上寒思親頻入夢遠道憶平安
暇日歡依膝斑衣勸進餐白雲今在望翹首路漫漫

至喀喇火屯畫中閒坐

偶憇千山裏山雲拂坐生嵐光浮黛碧霽影散秋

清蟹眼烹茶候鴻羣入塞聲澄懷對書史滿篋獨
隨行

塞上有東

朔塞雲初起相思第六程遙林滴空翠峻嶺絕崢
嶸夢與閒心寂愁兼客緒生斜陽無限意偏照豆
花棚

舉目看山色低頭憶故園秋花應滿圃歸燕想辭
軒幽意傳毫素離懷結夢魂西風煩雁使難罄欲
言言

行營晚步

連宵山下宿飯罷對重岡碧草迷沙磧濃雲暗夕陽
天蒸秋後雨風送晚來涼竊喜隨

轡輅經行到朔方

塞上夜雨

陰雲沉翠嶺秋雨忽霏微聲急侵行帳涼輕到衾
衣草間蛩語咽天末雁音稀寂寂挑燈夜開函與

古依

塞上晚步有憶園中

淡淡秋雲飛峻嶺森森林木靄斜陽坐中靜聽青
蓮永閒裏難消白晝長數卷古詩忻麗藻一甌清
茗滌枯腸晚涼散步行營畔觸我題情山水莊

行營和鶴亭見懷詩韵兼寄宜峯

朔漠秋清候吟鞭鎮日強天空連野戍塵淨得新
涼別夢閒雲滿懷人此夜長便鴻傳我意回首路
蒼茫

至熱河登山晚眺有柬

凭高四望萬山攢澗水淙淙瀉急湍日暮鴉飛紫

塞上秋風一夕有輕寒

獨倚層峯放眼寬
相思遠道問加餐
邊鴻南去傳芳訊
爲報征人一路安

波羅火屯行營見新月偶成

雲淨高空夕露浮
塞垣清景足勾留
遙峯半挂銀蟾影
蕩漾嵐光鏡裏收

雨中張三營道上作

濕雲壓山低
淒淒風初冷
秋雨俄霏微
秋山共馳騁
林嵐儼畫圖
千岩復萬嶺
攬轡獨敲詩
歡言忘

路永

十八里臺馬上口占

路入興垣界隨

鑾幾度經溪從林外遶雲向馬頭停秋意翻黃葉嵐

光疊翠屏化工渲染處妙絕勝丹青

十八里臺大風雷雨

山角雷聲殷投林鳥急奔乍看雲暗嶺不覺雨翻
盆駢黹峯形失迷離村落昏行營人寂寂吾亦掩

毡門

日三言集卷之一
霽後觀山色

雨過雲收淨碧空
片時嶺畔亘長虹
天教洗出烟鬟秀
絕磴林嵐指顧中

初霽見新月有柬

天空秋雨後坐愛晚風清
萬疊雲屏秀一鉤蛾月
明鐘聲人寂寂露氣夜泠泠
誰解相思意吟殘報
轉更

都馬達烏喇岱園中偶成

高下秋林半染丹
雲屏萬仞勢巔峴
晴空爽籟堪

娛日射得鮮禽佐晚餐

塞上中秋

高空寥廓浮雲淨佳節邊庭縱遠眸
萬里銀河斜繞塞一輪冰鏡照當頭
西風策策寒侵袂清露泠泠夜轉籌
燈火星羅人寂寞只餘嵐翠望中收

十六夜月下偶成

秋高澄霽千峯色直北龍沙塞草黃
露白霜清明月夜閒情遙憶桂飄香

東宜峯秋吟

遠塞隔秋山
瞻言思朋好
西颺拂面來
落葉馬前
掃朔雲連天
陰秋色亦已老
寄語風雅人
渴欲讀
近藁

喀喇火屯喜鶴亭遠來覓晤因成二絕

閒步斜陽野水濱
相看楓葉一番新
那知暮色蒼茫裏
匹馬衝塵見故人

相逢攜手話離懷
差喜平安塞上回
知己情殷無限雅
晴風聞說出關來

重陽前二日塞上月夜聯句

秋宵龍塞上鶴亭寂寞對重岡黃葉千林暗棧士

白雲萬嶺藏風聲何颯沓秀亭野色迥蒼茫古寺

霜鐘靜鶴亭遙天竝魄張征途頻令節棧士佳會

近重陽燈火參差映秀亭茶甌次第嘗瓊廬聊刻

燭鶴亭廣漠欠飛觴地僻朋簪盍棧士沙寒雁羽

涼菊花懷老圃秀亭灤水隱輕航空有題糕興鶴亭

殊慚落帽狂催詩俄擊鉢棧士望遠欲思鄉此

夕欣聯句秀亭歸鞭樂事長鶴亭

塞上遙祝

母妃千秋

黃菊丹楓候承歡憶北堂望雲情倍切舞綵意遙將
筵敞天倫集星輝遊子望南山欣介壽拜慶進霞觴

賞晚桂

謝爾殷勤意遲留待至今月華盈小院香霧漬幽襟
金粟渾無價黃華共一林素懷相契甚聊伴醉哦吟

宴劇賞菊

東籬蕭瑟秋光晚
晚放秋花待客回
老圃霜容偏自傲
良宵佳句漫相催
梁間雲繞歌聲細
庭際風清月色來
退食身閒饒樂事
便攜桑落試新醅

冬日四宜軒作

寂歷閒庭院
清幽野景臨
山容歛空翠
鶴語靜寒林
蒼榦扶垣出
叢篁拂檻深
片時聊憩息
忘却漏聲沉

明善堂詩集卷十五目錄

戊辰

西苑晚歸

隨

駕東巡曉發都門作

曉發廬村

任邱對雪

雪霽河澗道上二首

東昌道中桃李盛開喜成二絕句

隨

駕闕里謁孔廟恭紀六韵

隨

駕謁孔林

謁周公廟

望岱

登岱

登岱絕頂

曉起從峯頂循級而下

遊歷城張氏漪園題壁

趵突泉用趙文敏詩韻

對月

雨窻閒坐

夏日西苑道中

中元前一日山館立秋卽事二首

秋日雨中賞花偶成二截句索友人和

雜興二首

雨後偶成

秋日遊園中作

至普覺寺同明上人話禪

過萬壽寺訪調上人不值恭和壁間

御製詩韵留贈

梅墅早起觀紅蘭主人畫冊因成

冬夜懷吳价人作

明善堂詩集卷十五 戊辰

西苑晚歸

暮色蒼茫裏郊原籠澹烟遙岑殘照斂蕭寺遠鐘
傳鴉點春林迴橋迴野岸連歸途幽興愜吟思晚
風前

隨

駕東巡曉發都門作

輦路千官肅春城綵仗齊瑞雲浮絳闕芳甸躍龍驪
晴日東風暖平川烟靄迷歡欣同仰望童叟共扶

携

曉發廬村

遠山含宿霧野水帶溪橋旭日明霞表和風散柳
條曉鴉飛作陣百舌語偏嬌扈從春光好山行未
覺遙

任邱對雪

陰雲四野合一望白漫漫密似飛春絮輕於翦素
紈連塍銀磧迥綴樹玉梅殘俄頃欣開霽初添景
色寬

雪霽河間道上

霽色邀清爽長途淨少塵風迴瀛海驛氷泮綠楊
津雲岫呈空翠鶯歌弄好春垂鞭情脈脈縱目重
逡巡

春畦新積素滿目盡瓊姿晨起垂鞭遠塵清風靜
時雲屯畫中騎柳散陌間絲覽勝吟懷好東皇日
馭遲

東昌道中桃李盛開喜成二絕句

殘月疎星客夢闌征人不禁曉風寒春來開遍閑

桃李却在陽平馬上看

東風吹軟綠楊津村落行來畫意新
緩轡徘徊停畧約爲憐濃艷鬪芳春

隨

駕闕里謁孔廟恭紀六韻

齋肅隨

鑾輅言登夫子堂尊壘傳舊典禮樂溯前王
舞羽交廷陞豐碑歷漢唐諸生成濟濟古榦鬱蒼蒼萬世
師儒表千秋道統張吾

皇崇聖教 臣喜傍宮牆

隨

駕謁孔林

森森古木交蒼翠春雲平欣隨

豹尾來寶埒佳氣榮玉竦接

輦路似帶洙水橫龜蒙爭聳秀岱嶽實鍾英展拜石
臺旁仰止心徒傾回看廬墓處剌蘚讀碑銘

謁周公廟

殿開遺跡古靈光林木葱葱石蘚蒼世室元勲垂

自注詩集卷之二十三
三
宇宙卜年令緒賴匡襄
幽風述德開基遠
洛誥勤民沛澤長
肅拜袞龍情備切
千秋禮樂自難忘

望岱

停驂奉符城遙望雲樓處
一氣混茫間諦視疑無路
昔曾仰田盤茲焉勝殊度
安得乘風翔登巔一題句

登岱

蠟屐試攀援不憚路阻修
徑轉歷天門靈境豁雙眸
浮橋繚而曲松壑清且幽
扶筇此延佇眼底嵐

烟浮

登岱絕頂

稽首禮諸天得讀上古碑盤旋登絕頂縹緲天風
吹吳門望如練瀛海目中規躅步日觀峯惘恍不
自持卓哉孔子言身試心無疑佳勝難縷述何能
舉一詞仰視但青天旁瞻雲四垂慰予夙昔願清
歡浩無涯

曉起從峯頂循級而下

昨宿白雲峯早起覓歸境紛紛雲氣橫千岩成一

屏鬱鬱澗底松清寒增畫景不嫌跋涉勞真趣恣
吾領

遊歷城張氏漪園題壁

韶麗三春景輕盈薄靄天拂闌煙柳弱照水露桃
妍到處疑濠上誰圖勝輞川竹樓留咏句逸興自
翩翩

趵突泉用趙文敏詩韵

空明靈境接虛無一片寒光照玉壺氣與乾坤常
不息源深江海未教枯流雲湧月開仙界濺雪跳

珠入鵲湖坐石觀瀾情更愜歸途吟咏興非孤

對月

小苑深沉好送春月移花影度墻陰蕭閒清夜開
懷處露坐湖山獨自吟

雨窓閒坐

驀見簾纖雨悠然掩竹扉爐烟閒裏趣鳥語靜中
機風過花香動心澄道體微遙知濃綠外霑灑滿

皇畿

夏日西苑道中

曉行西苑路曠宇迥無塵樹繞長堤合蟬吟高柳
新芼芼秋黍茂漠漠野鷗親對景添幽興興中覓
句頻

中元前一日山館立秋卽事

新涼亭館暑初回一逕蛩吟碧澗隈忽見陰雲生
遠岫山村風雨送秋來

喧豗蛙鼓繞閒庭徙倚堦前心意清此夜梧桐消
息到人間無處不秋聲

秋日雨中賞花偶成二截句索友人和

簾前白雨影紛紛滿院秋花靜掩門最是消閒塵
慮少伴人蛩語在牆根

淺碧深紅照綺窓穿花蛺蝶一雙雙凭闌聽徹芭
蕉雨牽惹吟情未許降

雜興

焚香酌茗閒中趣絕似清幽處士家盡日開襟消
俗慮呼童滌硯換瓶花

海棠深院綴秋光金粟飄飄靜有香午睡醒時人
跡少繁音繞戶叫寒螿

雨後偶成

翠竹搖清影金風度晚涼
行來苔徑滑坐處桂花香
逸興託幽侶閒情寄短章
簷前敲鐵馬秋色正蒼蒼

秋日遊園中作

深林下木葉掃逕邀良朋
秋花繞庭妍秋砌寒蛩鳴
際此風日好靜挹溪山清
極目沈寥天松籟發幽聲
高談愜雅趣探勝恣豪情
返照滿前山心慵嬾送迎

至普覺寺同明上人話禪

偶訪招提境西廳葉落稀溪聲穿石溜山矗任雲
飛暇日尋初地宗風闡道機暫時幽賞處暮色映
禪扉

過萬壽寺訪調上人不值恭和壁間

御製詩韵留贈

欲尋微妙旨乘興出郊遊逕轉疎林遠秋深落葉
稠高松雲外迥峻嶺望中收惆悵鞭歸騎清泉繞
澗流

梅墅早起觀紅蘭主人畫冊因成

幾見霏霏雪瑤華清景饒老梅香乍吐小鼎火微
消偶展殘縑玩天然設色嬌詩情兼畫意欣賞及
寒朝

冬夜懷吳价人作

歲宴寒威肅霜飛夜色蒼思君重行役望遠一徬
徨踏雪馬蹄疾梯雲蜀道長中宵頻徙倚耿耿意
難忘